

Broj: 01-02-3-907/17

Sarajevo, 28.06.2017. godine

**Z A P I S N I K**  
**TEMATSKE SJEDNICE PREDSTAVNIČKOG DOMA PARLAMENTA FEDERACIJE**  
**BIH, "Stanje u poljoprivredi Federacije BiH", održane 17. 05. i 14.06.2017. godine**

Sjednica je počela u 12.27.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, članove Vlade Federacije BiH, goste kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Azra Hadžiahmetović, Alma Arnaut, Ilhan Bušatlić, Emina Mutap, Zdravko Kuzman, Davor Vuletić i Elma Đogić.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Sa 56 glasova za, šest glasova protiv i uz tri uzdržana glasa, usvojen je sljedeći:

**D N E V N I R E D**

1. Stanje u poljoprivredi Federacije BiH.

Data je kratka pauza od 15 minuta.

Nakon pauze prešlo se na rad po tački dnevnog reda.

**1. Stanje u poljoprivredi Federacije BiH**

Materijale za ovu tačku dnevnog reda dostavila je Vlada Federacije BiH.

Predsjedavajući je kazao da je ova tematska sjednica sazvana na zahtjev 32 zastupnika, a na čelu inicijative bila je zastupnica Azra Hadžić, te je pozvao da se obrati na ovu temu.

Zastupnica Azra Hadžić obratila se zastupnicima.

Ministar Šemsudin Dedić obratio se Domu.

Prezentaciju na ovu temu imao je Sabahudin Bajramović, profesor na Poljoprivredno-prehrambenom fakultetu Univerziteta u Sarajevu.

Uime Odbora za poljoprivredu, vodoprivredu i šumarstvo obrazlagali su Bajro Makić i Mehrudin Švago.

Domu su se obratili i Omer Kurtović iz Federalnog zavoda za poljoprivredu, Esad Bukalo direktor Federalnog zavoda za agropedologiju, Enver Avdić iz Udruženja proizvođača, prerađivača i izvoznika jagodičarskog voća, Mehmed Nikšić ispred Udruženja proizvođača mlijeka, Dragan Pavlović iz Seljačkog saveza i Zlatko Hujić načelnik Općine Bosanski Petrovac.

Predsjedavajući je predložio da Odbor za poljoprivredu, vodoprivredu i šumarstvo na osnovu pristiglih materijala, izvršenih prezentacija i diskusija sačini zaključke o kojima će se Dom izjašnjavati.

U raspravi su učestvovali: Dennis Gratz, Dževad Adžem, Munib Jusufović, Suzana Franjka Galić, Alma Kratina, Azra Hadžić, Šemsudin Dedić, Safet Kešo, Asim Kamber, Esad Bašagić, Nasir Beganović, Ismet Kurić, Jozo Bagarić, Elvir Karajbić, Dževad Agić, Radoslav Luburić, Faruk Čupina, Mujo Hasić, Mirsad Topčagić, Rasim Omerović, Bajro Makić, Šemsudin Kavazović, Mahir Mešalić i Kasim Mulalić.

Nakon diskusija, predsjedavajući je ponovio da će se prijedlozi zaključaka koji su izneseni na sjednici prosljediti Odboru za poljoprivredu, vodoprivredu i šumarstvo, kako bi se uobličili i dostavili na usvajanje.

Predsjedavajući je prekinuo rad tematske sjednice u 19.06.

\* \* \*

## **NASTAVAK TEMATSKE SJEDNICE PREDSTAVNIČKOG DOMA PARLAMENTA FEDERACIJE BIH , održane 16.04.2017. goidne**

Sjednica je počela u 11.03.

Sjednici je predsjedavao potpredsjedavajući Predstavničkog doma Parlamenta Federacije BiH Mladen Bošković.

Potpredsjedavajući Bošković pozdravio je zastupnice i zastupnike, članove Vlade Federacije BiH, goste kao i predstavnike akreditiranih medijskih kuća koji prate rad sjednice.

U ime Odbora za poljoprivredu, vodoprivredu i šumarstvo Bajro Makić kazao je da je Odbor sačinio zaključke na bazi diskusija i predloženih zaključaka od strane zastupnika i predstavnika udruženja.

U raspravi su učestvovali: Jozo Bagarić, Ilhan Bušatlić, Damir Mašić, Ivan Musa, Vjekoslav Bakula i Mehрудin Švago.

Potpredsjedavajući je pozvao zastupnike da se izjasne o zaključcima.

Sa 63 glasa za, 10 glasova protiv i uz jedan uzdržani glas, usvojeni su sljedeći:

### **Z A K L J U Č C I**

1. Zadužuje se Vlada Federacije BiH da osigura sredstva iz klirinškog duga za izmirenje svih naslijeđenih dugovanja u poljoprivredi kroz izmjene i dopune Budežta Federacije BiH za 2017. godinu.  
Nositelj aktivnosti: Vlada Federacije Bosne i Hercegovine  
Rok izvršenja: 2017. godina  
Kontrola zadatka: Parlament Federacije Bosne i Hercegovine
2. Obavezuje se Vlada Federacije BiH da osigura sredstava u Budžetu Federacije BiH za poljoprivredu i prehrambenu industriju u skladu sa Srednjoročnom strategijom razvoja poljoprivrednog sektora u Federaciji BiH 2015.-2019. godina i Zakonom o novčanim potporama u poljoprivredi i ruralnom razvoju Federacije BiH, što prije usvoji Program ruralnog razvoja Federacije BiH za razdoblje 2016.-2020.godina, te isti uključi u Program javnih investicija u Federaciji BiH.  
Nositelj aktivnosti: Federalno ministarstvo financija i Vlada Federacije BiH  
Rok izvršenja: 2017. godina  
Kontrola zadatka: Parlament Federacije Bosne i Hercegovine
3. Zadužuje se Federalno ministarstvo poljoprivrede, vodoprivrede i šumarstva da prikupi informacije s terena o investicijama u periodu od 2012.-2017. godine u poljoprivrednom sektoru Federacije BiH, te o tome informira Vladu Federacije BiH.  
Nositelj aktivnosti: Federalno ministarstvo poljoprivrede, vodoprivrede i šumarstva  
Rok izvršenja: 31.10. 2017. godine  
Kontrola zadatka: Vlada Federacije Bosne i Hercegovine
4. Zadužuje se Federalno ministarstvo finansija za prioriternu i redovnu isplatu poticaja klijentima iz sektora poljoprivrede u skladu sa članom 9. Zakona o izvršenju Budžeta Federacije BiH.  
Nositelj aktivnosti: Federalno ministarstvo poljoprivrede, vodoprivrede i šumarstva, Federalno ministarstvo financija  
Rok izvršenja: stalan  
Kontrola zadatka: Vlada Federacije Bosne i Hercegovine

5. Daje se podrška Prijedlogu Zakona o doprinosima, kojim se utvrđuje povlaštena porezna osnovica za zaposlene u poljoprivredi koju je predložilo Federalno ministarstvo poljoprivrede, vodoprivrede i šumarstva.

Nositelj aktivnosti: Federalno ministarstvo finansija

Rok izvršenja: 2017. godina

Kontrola zadatka: Vlada Federacije Bosne i Hercegovine

6. Zadužuju se Vlada Federacije BiH da osigura preduvjete za jednostavniji pristup kreditima za poljoprivrednike u Federaciji Bosne i Hercegovine:

- Dostupnost kredita s povoljnijom kamatnom stopom do 2,5% uz grace period od dvije godine i rok otplate do 15. godina za poljoprivredni sektor kod Razvojne banke Federacije Bosne i Hercegovine i regresiranje kamata na kredite za kapitalna ulaganja u poljoprivredi kod Razvojne banke.
- Započeti aktivnosti na formiranju Garantnog fonda Federacije BiH kod Razvojne banke Federacije BiH za kredite namijenjene za kapitalna ulaganja u poljoprivrednom sektoru u skladu sa Zakonom o poljoprivredi.
- Otvoriti revolving kreditnu liniju za isplatu dugovanja i redovnu isplatu poticaja u poljoprivredi.

Nositelj aktivnosti: Federalno ministarstvo poljoprivrede, vodoprivrede i šumarstva, Federalno ministarstvo financija i

Razvojna banka Federacije BiH

Rok izvršenja: 2017. godina

Kontrola zadatka: Vlada Federacije Bosne i Hercegovine

7. Zadužuje se Vlada Federacije BiH da osigura dostatna sredstva u Budžetu Federacije BiH za Federalnu direkciju robnih rezervi, u cilju intervencija na tržištu i otkupa domaćih poljoprivrednih proizvoda za potrebe Robnih rezervi u periodu poremećaja na tržištu i tržišnih viškova poljoprivrednih proizvoda koje utvrdi Vlada Federacije BiH.

Nositelj aktivnosti: Federalno ministarstvo finansija, Federalno ministarstvo poljoprivrede, vodoprivrede i šumarstva, Federalna Direkcija za robne rezerve

Rok izvršenja: 2017-2018. godina

Kontrola zadatka: Vlada Federacije Bosne i Hercegovine

8. Zadužuje se Vlada Federacije BiH i vlade kantona, odnosno izvršni organi gradova i općina da osiguraju sredstva za zaštitu poljoprivrednog zemljišta i objekata od poplava i ostalih prirodnih nesreća i usmjere sredstva u aktivnosti iz Poglavlja VI. Zakona o poljoprivrednom zemljištu Federacije BiH.

- Ograničiti proizvodnju određenih poljoprivrednih proizvoda na kontaminiranom zemljištu u skladu sa članom 28. stav 4. Zakona o poljoprivrednom zemljištu Federacije BiH.
- Zabraniti ispuštanja otpadnih materija, naplatiti troškove remedijacije kontaminiranog poljoprivrednog zemljišta i troškove nanesene poljoprivrednim proizvođačima, a sve u skladu sa čl. 25., 26. i 27. Zakona o poljoprivrednom zemljištu FBiH.

Nositelji aktivnosti: Federalno ministarstvo poljoprivrede, vodoprivrede i

šumarstva, Federalna uprava civilne zaštite,

Federalni zavod za agropedologiju, Agencije za

vodna područja Federacije BiH, Federalna geodetska

uprava, kantoni, gradovi i općine.

Rok izvršenja: stalno

Kontrola zadatka: Vlada Federacije Bosne i Hercegovine

9. Zadužuje se Federalno ministarstvo pravde da poduzme aktivnosti na izradi Zakona o izmjenama i dopunama Zakona o stvarnim pravima Federacije BiH („Službene novine Federacije BiH“, broj 66/13) u odnosu na odredbu člana 338.

Zakona, kojim bi se utvrdilo da se odredbe ovog članka ne odnose na poljoprivredno zemljište u državnom vlasništvu.

Nositelji aktivnosti: Federalno ministarstvo pravde

Rok izvršenja: 2017. godina

Kontrola zadatka: Vlada Federacije Bosne i Hercegovine

10. Zadužuje se Federalno ministarstvo poljoprivrede, vodoprivrede i šumarstva da pokrene izmjenu Srednjoročne strategije razvoja poljoprivrednog sektora u Federaciji BiH 2015.-2019.godina, te u hitnoj proceduri dostavi zakonske propise koji se odnose na: Zakon o poljoprivrednom zemljištu, Zakon o novčanim potporama u poljoprivredi i ruralnom razvoju, Zakon o poljoprivredi i Zakon o veterinarstvu.

Nositelji aktivnosti: Federalno ministarstvo poljoprivrede, vodoprivrede i šumarstva

Rok izvršenja: 2017. godine

Kontrola zadatka: Vlada Federacije Bosne i Hercegovine

11. Traži se od nižih nivoa vlasti (kantona, gradova i općina) da stvore uvjete i osiguraju potrebna sredstva za registraciju/legalizaciju štalskih objekata i drugih poljoprivredno-prehrambenih i prerađivačkih kapaciteta, što će biti uvjet za korištenje poticajnih sredstava sa nivoa Federacije BiH.

Nositelji aktivnosti: kantoni, gradovi i općine

Rok izvršenja: stalno

Kontrola zadatka: Vlada Federacije Bosne i Hercegovine

12. Preporučuje se nadležnim institucijama – J.P. „Elektroprivreda BiH“ d.d. Sarajevo i J.P. „Elektroprivreda HZ HB“ d.d. Mostar da osiguraju niže cijene električne energije i druge institucije da smanje ili ukinu fiskalne i parafiskalne namete za poljoprivredni sektor.

Nositelji aktivnosti: Federalno ministarstvo energije, rudarstva i industrije

Rok izvršenja: stalno

Kontrola zadatka: Vlada Federacije Bosne i Hercegovine

13. Zadužuje se Federalno ministarstvo prometa i komunikacija, Federalno ministarstvo unutrašnjih poslova i Federalno ministarstvo poljoprivrede, vodoprivrede i šumarstva da uredi zakonsku regulativu vezano za poseban status specijalnih pčelarskih vozila za prijevoz pčelinjaka (teretnih i priključnih) i drugih poljoprivrednih vozila, prilikom registracije u skladu sa modelom rješavanja ovog pitanja u zemljama EU, tako da ukupna cijena prilikom registracije ovakvih vozila ne prelazi 20% cijene za obična vozila.

Nositelji aktivnosti: Federalno ministarstvo prometa i komunikacija, Federalno ministarstvo unutrašnjih poslova i Federalno ministarstvo poljoprivrede, vodoprivrede i šumarstva

Rok izvršenja: 2017.-2018. godina

Kontrola zadatka: Vlada Federacije Bosne i Hercegovine

14. U slučaju eksremnih poremećaja na tržištu jagodičastog voća (maline) zadužuju se Vlada Federacije, vlade kantona, gradovi i općine da osiguraju sredstva za subvencije proizvođačima jagodičastog voća (maline).

Nositelji aktivnosti: Vlada Federacije BiH, vlade kantona FBiH, gradovi i općine

Rok izvršenja: 2017. godina

Kontrola zadatka: Vlada Federacije Bosne i Hercegovine

15. Staviti u funkciju Zadružni savez Federacije BiH u skladu sa članom 69. Općeg zakona o zadrugama BiH („Službene novine BiH“, broj 18/03), kao i zadruge zbog samog društvenog značaja otkupa i kooperacije koju zadruge u Federaciji BiH obavljaju, izdvojiti sredstva u okviru Godišnjih programa poticaja za istu.

Nositelji aktivnosti: Vlada Federacije BiH

Rok izvršenja: stalno

Kontrola zadatka: Vlada Federacije Bosne i Hercegovine

16. Nadležnim institucijama na nivou Bosne i Hercegovine se daje puna potpora i traži poduzimanje sljedećih mjera:

- Usvajanje i izmjena ključnih zakonskih propisa (Zakon o veterinarstvu, Zakon o hrani, Zakon o poljoprivredi i ruralnom razvoju BiH, Zakon o vinu, Zakon o regulaciji tržišta poljoprivrednim proizvodima u BiH i dr...);
- Donošenje Strateškog plana ruralnog razvoja Bosne i Hercegovine;
- Uspostaviti operativne strukture za korištenje predpristupnih fondova EU;
- Izvršiti poljoprivredni popis u Bosni i Hercegovini i unaprijediti poljoprivredne statistike i informacijske sisteme;
- Razmotriti izmjenu postojećih propisa i usmjeravanje sredstava iz prelevmana u poljoprivrednu proizvodnju, te uvođenje plavog dizela za poljoprivredne proizvođače u BiH;
- Uspostaviti proceduru upisa biljnih sorti na Sortnu listu Bosne i Hercegovine;
- Bolja kontrola granica naročito pri uvozu prehrambenih i poljoprivrednih proizvoda sa stanovišta kontrole kvalitete istih;
- Jačanje administrativnih kapaciteta i struktura za koordinaciju u okviru sektora poljoprivrede i ruralnog razvoja, uključujući i mjere potpore;
- Dostizanje potrebnog nivoa standarda kvalitete i sigurnosti hrane za nesmetanu trgovinu poljoprivrednim robama i izvoz roba životinjskog porijekla na tržište EU;
- Realizirati preporuke agencije za hranu i veterinarstvo (FVO) iz revidiranog akcionog plana za izvoz mesa peradi i konzumnih jaja u EU koje su bh vlasti pripremile;
- Realizirati u potpunosti sve aktivnosti definirane u Mapi puta u cilju stvaranja uvjeta za izvoz proizvoda životinjskog i biljnog porijekla;
- Izraditi i usvojiti propise i mjere za uvođenje tržišnih standarda kvalitete u skladu sa evropskim i OECD standardima (tržišni standardi za voće i povrće, žitarice, meso, mlijeko...) odnosno standardima organizacije zajedničkog tržišta EU;
- U potpunosti državni centralni sistem identifikacije, registracije, kontrole kretanja životinja u zemlji i bazu podataka.
- Ojačati lanac upravljanja i sistema službene kontrole hrane i hrane za životinje koji je usklađen s evropskim standardima i centralnu bazu podataka.

17. Zadužuje se Odbor za poljoprivredu, vodoprivredu i šumarstvo Predstavničkog doma Parlamenta Federacije Bosne i Hercegovine da prati realizaciju zaključaka i o tome izvijesti Predstavnički dom Parlamenta Federacije BiH.

Nositelji aktivnosti: Odbor za poljoprivredu, vodoprivredu i šumarstvo

Predstavničkog doma Parlamenta Federacije BiH

Rok izvršenja: stalno

Kontrola zadatka: Zastupnički dom Parlamenta Federacije BiH

Potpredsjedavajući je zaključio rad tematske sjednice u 11.21.

Transkript i prijepis transkripta sjednice čine sastavni dio Zapisnika.

v. d. SEKRETARA  
PREDSTAVNIČKOG DOMA  
PARLAMENTA FEDERACIJE BIH

Stela Ibrović

PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BIH

Edin Mušić